



醫方紀原

武 9
493
/



明中武
493
卷1



醫方紀原叙

如願齋

天下幾許方書乎。愈出愈奇。要之有名。同方異方。同名異。或析或併。取捨添減。紛紛錯出。惠車晏架。亦不足以乘載焉。後人捨本而末之趨。望洋迷津。莫知所適。從認名失真。冥冥搜妄。投違之貽害不少矣。苟不刈閑蔓。擇本實。以彙括之。則所謂秦延君三萬言。雖多而復何資于

醫方紀原叙

玉池堂版

治法哉。健齋通元甲賀氏繼乃翁敬菴
祐賢老君奕世之緒而尤精於方論施
治餘暇取多年所纂輯切要諸方分門
比類每一方必究其源委參之古今名
匠變通變化之妙併錄其折肱所得援
據的確辨析簡當勒為三卷名曰醫方
紀原以貽後昆較之泛泛方書固天淵
寔苦海津筏醫途南車可信可據不待

衲被獺祭之勞而治病之要得之於此
矣。令弟敬元頃來語曰書林梅邨生將
登梓以公于世。剞劂告成請一言題之。
予雖辭以素不文不足贊揚潤色其美。
猶且促之不止。竊思君昆季之於予也。
為舊交嘉其能不墜家聲且率是書之
成。豈得默止。於是粗述其梗概以塞需
云。

元文已未冬十一月既望

平安怒菴松岡成章書



醫方紀原序

薛立齊先生曰方倣也倣彼而
準此也至於應用更貴權宜非
曰確然不可移而峴然不可動
者也蓋倣病因以立方也信哉
此言夫善用方者貴變通而不

泥一定方也。蓋昔賢之製方也，臨病制宜，讀者須要先知古人立方本旨，而後善變通矣。而古書所載治證，加減煎法湯使，各有妙旨。若後世方書多從簡便，忽略不詳，欲察方意者，不問其

原書，徒據後世膚淺方書，恐其不中肯綮，所謂加減穿合摘者，亦豈得契變通之妙哉？予於是舉日用之方，記其所出，欲以僂翫索，惟憾家乏玄晏滿架，考索未博，踈漏尚多，姑藏巾笥，以備

他日參考云

享保庚子夏六月望

平安後學待用子甲賀通元書于健齋



凡例

一 所撰之方。願載古方中現今所用者。如同名異方。不能一一考究之。只錄其大概。雖非現用。諸家方書多收入者。或有搜于治療。則亦併存之。如近世龔氏之製金諸。凡仲景以下。至宋之方。唯多引千金外臺。而身易簡。蓋以予固乏古籍。且希世好書。亦無復檢閱也。只舉其書引其書。間有管見。以按字別之。一。予嘗欲每方記治症品味。以為一部方書。但恐浩繁難卒就。故載主治藥味者。纔止于十之一。往年纂集醫方紀原。子弟艱於謄寫。屢請各立梓。以

考覈未精，未免踈謬。固辭不許，頃日復頻請不止。不耐峻拒，遂附剞劂覽者，宜加訂正焉。是所希望。
元文改元十一月日南至
健齋識

醫方總類序
五洲堂版

各方引據書，其次序混淆不倫。今大槩考時世，以

記于左。其詳不可知也。如明末清初之書，不載之。

○傷寒論金匱要略後漢張仲景 按予先人云：編題作傷寒卒病論，恐誤矣。仲景自序明作傷寒雜病論，宜從之。

○中藏經 華元化 按續醫說醫統以為門人吳普所集。

○肘后方 東晉葛洪 ○褚氏遺書 齊褚澄

○集驗方 梁魏僧垣 ○李絳兵部手集 未攷

○千金方 唐孫思邈 ○千金翼方 唐孫思邈

○產寶方 咎殷 ○外臺秘要 唐王燾

○聖惠方 宋太宗太平興國中集 ○御藥院方 宋太宗朝無名氏集

○古今錄驗方 詳見附遺 ○易簡方 王碩 詳見附遺

和劑局方

醫統書目曰：元豐中詔天下高醫各以得效秘方奏進。

按局方初于宋神宗熙寧元豐之間成于徽宗崇寧大觀年間而後紹興實慶淳祐漸次續添又許洪併入吳直閣得效名方及諸局經驗方以為全書無紹興續添實慶新增等目者是乃大觀中陳美裴宗元陳師文撰集上序所謂大觀二百九十七方而御局最初收入者也。

活人書 宋朱肱

指迷方 宋王貺

小兒直訣 錢仲陽

本事方 許叔微

日因方 陳無擇

楊氏家藏方 楊傑 未考

積善堂方 未攷

瑞竹堂方 未考

仁存方 未考

醫說 張季明

百一選方 王璆

李迅瀝瀝方 李嗣立

病機氣宜保命集 一名活法機要

張潔古

按李時珍云後人誤作河間劉完素所著偽撰序文以附會之

宣明命 劉河間

儒門事親 張子和

婦人良方 陳自明

活幼要方小兒痘疹方 陳文中

仁濟直指方 楊士瀛

簡易方 黎民壽

按醫學源流云宋黎民壽景定中初註玉函經後作簡易方斷病提綱夾脉精要俗謂之醫家四書

濟生方 嚴用和

辨惑論 李東垣

脾胃論

蘭室秘藏

醫學發明 已上李東垣

衛生寶鑑 羅謙甫

湯液本草 王海藏

醫壘元戎

此事難知

痲論萃英 已上王海藏

○拔萃方 本草綱目引書亦為杜思敬撰

按拔萃方未考其詳

詳鍼灸聚英云濟生拔萃方十九卷延祐間杜思敬撰予家藏聚古家珍脾胃論醫學發明皆非全書而題下有濟生拔萃方名蓋杜思敬以聚古東垣海藏等書撮其要拔其萃而為濟生拔萃方乎又吳勉學醫統正脈所收入活法機要醫學發明醫壘元戎皆非全書乃是拔萃方之二種

○濟察集驗方 僧繼洪

○醫方集成 孫允賢

○養生五命 王隱君

○得劫方 危亦林

○格致餘論局方發揮 朱彥脩

○本草神書 葛可久

按續醫說古今醫統為非葛可久之書

○醫學綱目 婁全善 詳附遺 ○袖珍方 明周憲王

○玉機微義 劉宗厚

按玉機微義五十卷一卷至七卷二十四至四十三卷徐用誠醫學折衷也其餘皆劉宗厚所續添

○證治要訣 戴元禮

○平治會萃 朱震亨著 明薛己校

○金匱鈎玄 丹溪先生金匱鈎玄

門人戴元禮錄

按平治會萃金匱鈎玄異名同書也一書全出戴氏所錄而非真作論中戴云即是也戴傳亦曰丹溪高弟也丹溪心法丹溪纂要等書皆本于此耳若證治要訣予嘗疑其編次似不與鈎玄會萃同出一人之手其治論亦似非丹溪徒弟之見俟他日稽考若其書可謂好書也

○傷寒六書 陶節菴

○醫書大全婦人良方補遺 熊宗立

○丹溪心法 楊珣楚王編程克用光改補詳見後附遺

○金幼心鑑 寇平美

○奇効良方 方賢 明成和中作

○醫林集要 王璽

○丹溪纂要 盧廉夫

○明醫雜著 王節齋

○諸症辨疑錄 吳球

○醫學正傳 虞天民

○韓氏醫通 韓飛霞

○續醫說 俞子容

○丹溪心法附餘 方古菴

○婦人良方補註 立齋薛新甫

○明醫雜著補註

○內科摘要

○外科概要

○口齒類要 已上薛立齋

按十六種中內科摘要、女科摘要、保嬰粹要、口齒類要、保嬰金鏡錄、正體類要、此等書謂之家居醫錄，乃是薛先生歷年治驗之書也。又左舉十六種、二十四種、二十種之書目者，蓋備僻地寒鄉乏于蓄書者之參考耳。

○十六種

○外科精要

陳自明良甫著 立齋薛新甫補註

○婦人良方

陳自明著 薛新甫補註

○明醫雜著

節齋王汝言著 薛新甫補註

○小兒痘疹方

陳文中著 薛新甫校註

○傷寒金鏡錄

杜清碧著 薛新甫校

○小兒直訣

關孝忠集 薛新甫校註

○原機原微

倪維德著 薛新甫附錄

○內科摘要

薛新甫

○保嬰撮要

薛良武編集 男薛新甫治驗

○外科概要

薛新甫

○女科撮要

薛新甫

○正體類要

薛新甫

○口齒類要

薛新甫

○癘瘍機要

薛新甫

○保嬰粹要

薛新甫

○保嬰金鏡錄

薛新甫

右通計十六部七十六卷
○二十四種
十六種外

○難經本義 秦越人 滑伯仁註 ○十四經發揮 滑伯仁

○癰疽經驗方 陶華節菴編 薛新甫校 ○本草發揮 徐用誠

○傷寒針法 程德齊 薛新甫 ○外科心法 薛新甫

○外科發揮 薛新甫 ○外科經驗方 薛新甫

○二十種 又一本有平治會萃無保嬰粹要

十六種補入難經本義十四經發揮本草發揮平治會萃之四種者也

○附遺

○易簡方 王碩

按王碩無傳時世難考當是宋朝人易簡論中往往引司方又引日因玄免煎然則司方日因以後之書乎司方中雖偶

有引易簡方是乃續添所附錄而非憑寧元豐崇寧大觀所收入耳北山友松子為元豐以前書者以未閱易簡歟猶俟博覽此書方後論有間可見楊仁齋直指方有論易簡方之一條可併考

○劉河澗傷寒直格 臨川葛雍編

○傷寒標本心法類萃 河澗劉守真編集

按此二書收入於吳勉學醫統正脈又有河澗傷寒心要都梁鑑洪編是等書皆出於河澗門人所錄乎

○醫學綱目 樓全善著

按樓氏時世難辨醫傳亦欠詳嘉靖乙丑履齊曹灼序序中曰此書二百年來幾晦而復明幾廢而復舉云云由是考之則嘉靖乙丑二百年前即當于元至正最後而又綱目中引醫家止於丹溪然則元末明初之人著述亦在于其間耳嗚呼若樓氏於醫學超越尋常惜乎其傳不詳

故特表出之

○丹溪心法考

按明景泰年間楊珣字楚玉集丹溪心法成和初王季獻附方重梓又成和中程允字用光以有楊之集多踈謬王之附方亦失本旨而正誤考訂仍舊曰丹溪心法附錄後嘉靖年間古庵方廣撰丹溪心法附餘尤極精審

○仁齋直指附遺

明朱惠齊附遺

按直指方宋景定中仁齋楊士瀛所著也明朱惠齊嘉靖年中校訂附之以元明諸家方論名曰直指附遺夫如仁齋直指其論多可法之語今所存者朱氏附遺也故欲考方論者當以附遺別之莫與楊氏原書相混

○古今錄驗方

一日友生醫話之餘談及此書云非初虞世先有甄立言予不記之因考古今醫統名醫姓氏隨甄立言傳曰著古

今錄驗方五十卷入門醫傳亦同又宋初虞世傳曰著古今錄驗方本草引書亦作初虞世古今錄驗方由是觀之則甄立言先著錄驗方而初虞世有考訂補遺歟金匱附方千金外臺等所引者甄立言所著而非初虞世乎嗟乎考究之踈豈止此事廢筆而嘆

○養生必用方

宋初虞世

按醫學源流初虞世傳曰撰養生必用方

○明醫指掌前後集

雲州皇甫中明嘉靖中著

○醫方選要

明周文采編

○活幼全書

明錢大用著

○保嬰撮要

二十卷蓋十卷薛良武編集男薛新甫治驗後十卷薛新甫續集

○小兒直訣考

併附婦人良方外科精要考

頃因道安山科君惠得錢氏小兒方訣門人閻孝忠集明熊宗立為序以校其書十卷蓋八卷即錢氏方論後二卷閻氏外編附錄耳按古今醫統引書目錄云錢氏小兒方

八卷則是小兒直訣原本而所謂錢氏小兒方乎今十六種中所收入小兒直訣乃薛氏所補註多去舊方難用參以日用之方凡十六種中如補註古人書懷自明婦人良方外科精要王節齋明醫雜著等附方皆如此耳薛氏所附以附方別之其論亦去繁就簡夫良方宋陳自明著明熊宗立補遺題曰婦人良方補遺大全然則後世曰大全良方亦此書乎薛立齋再刪定補註後附補遺一卷今世所行乃薛氏補註耳予家藏良方精要原書故所引據亦從原本不從薛本

○小兒痘疹方考

按活幼名方十卷宋陳文中與鄭惠卿所著第八卷詳論小兒瘡疹陳氏題曰小兒瘡疹病源方論如今十六種中小兒痘疹方薛氏以此一卷校正補註續添附方

醫方紀原卷上目錄

中風

- | | | |
|---------|---------|-----------------------------------|
| 候氏黑散 | 風引湯 | 小續命湯 |
| 排風湯 | 大三五七散 | 小三五七散 |
| 獨活寄生湯 | 治五藏風寒灸法 | 竹瀝湯 |
| 荊瀝竹瀝生姜汁 | 省風湯 | 三生飲 <small>附星香湯
二生散等方</small> |
| 人參三生飲 | 烏藥順氣散 | 人參順氣散 |
| 大防風湯 | 五痺湯蠲痺湯 | 四生散 |
| 消風散 | 羌活散 | 蘇合香圓 |
| 烏犀圓 | 靈寶丹 | 至寶丹 |
| | 牛黃清心圓 | 青州白圓子 |

薄荷煎圓 稀莖丸 八味順氣散 導痰湯

救急稀涎散 勝金圓 獨聖散

倉公散 治五絕方 皂角細辛吹鼻法

通關散 烏梅擦牙法 攝生飲

麋銜湯 黃芪防風蒸法 瀉青丸

作竹瀝法 防風通聖散 地黃飲子

搜風順氣丸 勻氣散 小續命六經加減

大秦芎湯 三化湯 愈風湯 天麻丸

疎風湯 秦芎升麻湯 犀角升麻湯

益氣六味加味 四物加味 二陳加味

氣虛卒倒法 氣虛有痰法 人參膏

○類中風

類中風法數條 本事方良方 易簡 薛氏法

○預防中風

天麻丸 愈風湯 搜風順氣丸 薛氏法

○破傷風

玉真散 羌活防風湯 白木防風湯

白木湯 芎黃湯 大芎黃湯

羌活湯 養血當歸地黃湯

防風湯 羌活湯

○瘧門

括蕒桂枝湯

葛根湯

大棗氣湯

附朮散

桂心白朮湯

附子防風散

八物白朮散

荊芥末酒下

小續命湯

桂枝加葛根括蕒湯

神朮湯

白朮湯

防風當歸散

如聖飲

丹溪法

○傷寒 時疫

麻黃湯

桂枝湯

桂枝二越婢一湯

小青龍湯

大青龍湯

葛根湯

桂枝麻黃各半湯

麻黃附子甘草湯

麻黃附子細辛湯

白虎湯

白虎加人參湯

小柴胡湯

大柴胡湯

梔子豉湯

柴胡加龍骨牡蠣湯

桂枝甘草龍骨牡蠣湯

竹葉石膏湯

白頭翁湯

大棗氣湯

小棗氣湯

桃核承氣湯

調胃承氣湯

抵當湯

抵當丸

大陷胸湯

小陷胸湯

柴胡桂枝乾姜湯

赤石脂禹餘糧湯

十棗湯

半夏瀉心湯

旋復代赭石湯

桂枝人參湯

大黃黃連瀉心湯

附子瀉心湯

甘草瀉心湯

生姜瀉心湯

瓜蒂散

茵陳蒿湯 梔子柏皮湯

麻黃連軀赤小豆湯 黃芩湯 蜜煎導法

猪胆汁方 麻仁丸 吳茱萸湯

桔梗湯 小建中湯 四逆散 桃花湯 白通湯

白通加猪胆汁湯 四逆湯 四逆加人參湯

通脈四逆湯 乾姜附子湯 當歸四逆湯

桂枝附子湯 甘草附子湯 真附湯 附子湯

理中丸并湯 五苓散 猪苓湯 烏梅丸

燒裨散 枳實梔子湯 炙甘草湯

牡蠣澤瀉散 刺期門 炙少陰

越婢湯 升麻鼈甲湯 百合知母湯

百合雞子湯 滑石代赭湯 百合地黃湯

百合洗方 栝萸牡蠣湯 百合滑石散

甘草瀉心湯 雄黃薰法 赤豆當歸散

陽毒升麻湯 陰毒甘草湯 陰且湯

陽且湯 溫粉 神丹圓

水導散 麥奴圓 玄武湯

黃龍湯 犀角地黃湯 溫胆湯

黃連解毒湯 小前胡湯 大前胡湯

姜兌法 小品芍藥地黃湯

五味子麥門冬湯

葛根橘皮湯

辟温粉

李子建十勸

升麻湯 即升麻葛根湯

五味子湯

羌活附子散

造膠飴法

陽且湯陰且湯

陽毒升麻湯陰毒甘草湯

霹靂散

回陽丹

返陰丹

柴胡半夏湯

桔梗枳殼湯

玄參升麻湯

治中湯

白虎加蒼朮湯

化班湯

麥門冬湯

葱蔥法

鼠栝子湯

陰毒灸法

陽毒水漬法

神朮散

人參敗毒散

涼膈散

五積散

聖散子

金沸草散

升麻葛根湯

葛根解肌湯

僧伽應夢人參散

香薷散

正氣散

消風百解散

人參養胃湯

參薷飲

柴胡升麻湯

川芎茶調散

不換金正氣散

八解散

三拗湯

十神湯

藿香正氣散

辰砂五苓散

温病不令染着

黃芪建中加歸湯

小柴胡加地黃湯

四時不正治法

香葛湯

發汗轉下取吐水漬蒸法

荊防敗毒散

獨參湯

羌活湯

九味羌活湯

大羌活湯

三禁湯

三一承氣湯

柴胡飲子

防風通聖散

益元散

雙解散

半夏黃連解毒湯

却病法製藥法解藥法煎藥法

升麻發表湯

疎邪實表湯 羌活中和湯

柴葛解肌湯

柴胡雙解散

桂枝大黃湯

如神白虎湯

六一順氣湯

三黃石膏湯

三黃巨勝湯

消斑青黛飲

柴胡百合湯

中和靈寶飲

生地芩連湯

回陽救急湯

回陽反本湯

導赤散

桃仁承氣對子

逍遙湯

加味理中飲

加味犀角地黃湯

升陽散火湯

如聖飲

溫經益元湯

調榮養衛湯

桂苓飲

導赤各半湯

再造散

當歸活血湯

加味導痰湯

黃龍湯

益元湯

芩連消毒飲

六神通解散

加減調中飲

加減續命湯

十味芎藭散

加味溫胆湯

芎芷香薷散 預防疫用正氣散益氣湯法

補中益氣加發散或加附子 救疫神方

○類傷寒

柴胡半夏湯

金沸草散

大半夏湯

瓜蒂散

治中湯

五積散

黑神圓

竹葉湯

橘皮湯

醫方紀原卷上目錄

七

玉池堂版

越婢湯

小續命加姜汁

小續命去附減桂湯

紫雪

枳櫛散

○中寒

乾姜附子湯 即姜附湯

四逆湯

理中湯

姜附湯

五積散

附子理中湯

附子麻黃湯

暑門

白虎加人參湯

竹葉石膏湯

五苓散

香薷散

黃連香薷散

大順散 來復丹

消暑圓

辰砂五苓散

藿香正氣散

六和湯

香薷湯

縮脾飲

十味香薷飲

益元散

桂苓甘露飲

春澤湯

治熱喝方

二香散

生脉散 清暑益氣湯

人參益氣湯

參朮調中湯

海藏黃芪湯

益氣去升柴加栝方

代茶湯

○中濕

白朮附子湯

甘草乾姜茯苓白朮湯

腎着湯

不換金正氣散

除濕湯

獨活寄生湯

羌活勝濕湯

除風濕羌湯

白朮酒

滲濕湯

○燥

滋燥養榮湯

生血潤膚飲

清燥救肺湯

○火

瀉心湯

三黃丸

紫雪

防風通聖散

賈同知通聖散

崔宣武通聖散

劉庭瑞通聖散

神芎丸

柴胡飲子

大金花丸

當飯龍膽丸

雙解散

涼膈散

黃連解毒湯

左金丸

導赤散

瀉黃散

瀉白散

三補丸

升陽散火湯

大倉公火劑湯

○內傷 飲食

理中湯

四順理中圓

理中丸

延年理中丸

必效理中散

范汪茯苓理中湯

范汪又方

延年增損理中湯

小品扶老理中散

治中湯

平胃散

嘉禾散

二姜圓 參苓白朮散

四君子湯

七珍散

二神圓

白朮散

異效散

六君子湯

解菌毒

治食不消

枳朮湯

枳實丸

枳朮丸

易張枳朮丸

橘皮枳朮丸

麴麥枳朮丸

醫方紀原卷上目錄終

木香枳朮丸

半夏枳朮丸

枳朮導滯丸

木香化滯湯

丁香爛飯丸

補中益氣湯

升陽順氣湯

升陽補氣湯

厚朴溫中湯

沉香溫胃丸

葛花解醒湯

調中益氣湯

升陽益胃湯

保和丸

大安丸

厚朴湯

易簡白朮湯

不醉方

香砂六君子湯

白雪糕

八味平胃散

○痞滿

大黃黃連瀉心湯

附子瀉心湯

生姜瀉心湯

甘草瀉心湯

半夏瀉心湯

枳朮湯

枳實理中圓

桔梗枳實湯

大消痞丸

黃連消痞丸

枳朮丸

橘皮枳朮丸

人參養胃湯

枳朮二陳湯

醫方紀原卷上目錄終

醫方紀原卷上目錄

九

正德堂版

醫方紀原卷上
六

醫方紀原卷上

健齊甲賀通元輯

○中風

○候氏黑散

風引湯

金匱要略中風歷節

按程雲來金匱直解云舊本有候氏黑散風引湯所已地黃湯頭風摩膏礬石湯所主皆非中風歷節證是宋較正附入唐人方也又按巢氏病源候論云仲景經有候氏黑散蓋巢元方隋世人而既有此言則直解唐人方之說亦似難據矣此二方喻嘉言醫門法律為仲景聖方而稱揚其効又汪詒菴醫方集解云黑散風引二湯喻氏雖深贊之亦未知其果常以此治風而獲實驗乎抑亦門外之揣摩云爾也予謂汪氏集解說得可矣當考全文

○小續命湯考

醫方紀原卷上

正德堂版

千金方諸風門初出小續命湯 麻黃防已入參黃芩桂
心芍藥甘草芎藭杏仁防風附子生薑水煎
按此方與局方諸風所載同外臺秘要出崔氏小續命湯
方與千金同而只無防已後世所用小續命湯多千金方
○千金方諸風天續命湯又方 比前小續命湯無防已防
風黃芩芍藥附子有乾姜石膏當歸 方下細註云是張仲
景方 按此說未詳
按此天續命湯與金匱要略附方所引古今錄驗續命湯
同乃是林億等自古今錄驗方中採附金匱中風篇末或
以此錄驗續命湯而標出金匱續命湯者誤矣夫續命之
方頗多有大小續命西州續命等湯見千金及翼方外臺
後世所用多是千金方而少見錄驗之方古今錄驗為
階既立言所著則與千金方其先後未可詳知焉
○排風湯 千金方諸風 ○天三五七散 小三五七散 千金頭面風

○獨活寄生湯 千金方諸風

按和劑局方與千金同即今所用之方也千金方寄生下
云古今錄驗用續斷外臺腰痛載古今錄驗獨活續斷湯
無寄生有續斷後世吳球諸証辨疑錄古方獨活寄生湯
以獨活寄生難得真代羌活續斷名羌活續斷湯今視千
金外臺則吳球其有所據乎
○治心風寒炙心俞 ○治脾風 脾風總呼為八風 炙脾俞
○治肺寒炙肺俞 ○治腎寒炙腎俞 ○肝風炙人中 中大推次灸
肝俞 千金方 按五藏之風炙五藏之俞又見中藏經
○竹瀝湯 千金風痺 竹瀝生薑汁生薑汁
○患風人多熱宜服荆瀝竹瀝生薑汁 外臺秘要
○中風口噤服淡竹瀝又服荆瀝 外臺秘要
按王宇泰證治准繩中風門云卒仆偏枯證雖有多因未

有不因真氣不周而病者故黃耆必用之君藥防風爲必
用之臣藥不能言加竹瀝荆瀝梨汁陳醬汁生葛汁人乳
汁內熱加梨汁人乳生地汁痰多加竹瀝荆瀝少佐以姜
汁每治此症用諸汁以收奇效爲其行經絡滲分肉捷於
湯散故也予謂王宇泰用諸汁蓋原千金外臺諸法

○省風湯

和劑方諸風寶慶新增方

南星防風半夏黃芩甘州生姜 醫學入門名小省風湯
天醒風湯 淳祐新增方比前方無芩半夏有獨活附子全蝎
丹溪心法附餘中風門省風湯一方比前方寶慶新增省
風湯無黃芩有全蝎白附子川烏頭木香入門名大省風
湯

○三生飲

王碩易簡方
淳祐新添方

按此方雖出局方而係淳祐新添則當
以易簡爲原歟元戎引易簡

○易簡方星香湯

南星木香生姜○本事方三生散

生附子生南星姜○且因方生姜生附湯 生大附子生

姜○濟生方星附湯 生附子生南星木香生姜○易簡

三生飲 生南星生川烏生附子木香生姜○百一選方

治風濕及卒中生料五積散二錢順元散一錢生姜煎服

順元散出良方沉存中叔祖錢氏時得此方賣於民間故

吳中至今謂之沉家五積散 按順元散藥味與三生飲

同但南星川烏附子皆炮用

按此諸方皆行經絡治寒痰之劑而三生飲最有斬關奪

旗之功也謂三生三生者以皆生用耳

○入參三生飲

入參三生飲之名見黃閣齊評註薛氏醫按

按薛立齋先生治車駕王用之卒中昏憤口眼喎斜痰氣
上湧咽喉有聲六脉沉伏此真氣虛而風邪所乘以三生

飲一兩加人參一兩煎服即甦予先人嘗以此治驗示子弟蓋三生飲乃是古法不足為奇其加人參一兩是薛先生卓越之見故載家居醫錄內科摘要卷首

烏藥順氣散和劑司方續添諸司經驗方諸風 三四方中風

按丹溪心法附錄云理氣者氣滯氣鬱肩膊麻痛之類此七情也宜烏藥順氣八味順氣之類予先人嘗云日理氣日順氣皆消除有餘之謂此方當施氣滯有餘之症縱使有癱瘓喎斜等風候稍涉形病不足者毫不可用萬病回春中風門標出一條日初中風邪麻木疼痛者風濕氣也宜烏藥順氣散治症依司方又後附丹溪心法理氣之說雖龔氏之淺陋猶有此準則如今讀回春者草草看過不致意何哉

八參順氣散 司方寶慶新增方傷寒門

按此八參順氣散川芎白朮麻黃厚朴桔梗陳皮甘草白芷乾姜人參乾葛姜棗薄荷煎服雖入傷寒然觀其主治則半身不遂口眼喎斜痰涎不利言語蹇澁等症也嚴用和八味順氣散異効散加烏藥青皮白芷之方蓋原于烏藥人參二順氣平瑞竹方勻氣散亦似八味順氣散可參考又近世張錫醫學六要有增減烏藥順氣散本方去麻黃白芷乾姜薑棗甘草加青皮香附半夏前胡日一切氣氣厥氣膈氣痛七氣為患仙品
通氣驅風湯得効方中風此方烏藥順氣散去姜棗乾姜加人參白朮之方紫蘇木瓜調下宜此方與張錫增減順氣散併案焉張氏豈有原于此乎

天防風湯 司方續添諸司經驗方

按百一選方出此方治痢後鶴膝風之說審

醫方類聚卷上
王冰室版

○五痺湯 司方淳祐新添方 羌活白朮防已姜黃甘草生姜

○蠲痺湯 百一選方 羌活姜黃當歸黃香赤芍防風甘草

生薑 按後人治痺痛以此二方損益加減之方頗多

○四生散 司方紹興續添方 茯苓羌活白附黃耆

按此方後人為腎藏風瘡主方

○消風散 司方

○羌活散 司方

按張潔古羌活愈風湯以此方增添眾味者

○至寶丹 司方

○烏犀圓 司方

○蕪合香圓 司方

○靈寶丹 司方一名返魂丹 一名歸命丹破棺丹

○牛黃清心圓 司方

按續醫說曰如牛黃清心圓一方用藥二十九味藥性寒

熱交錯殊不可曉昔見老醫云此方只是黃芩麝香龍腦
羚羊角牛黃犀角雄黃蒲黃金箔九味而已自乾山藥以
後二十一味乃司方補虛門中山芋丸也當時不知何故
誤為一方

○青州白圓子 司方

按後世治白帶以四七湯送下白丸子即此圓子也

○薄荷煎圓 司方

按今世醫家稱龍腦丹稱薄荷煎即此方只有一二味異

○稀莖丸 本事方

本草引慎微說

○八味順氣散 嚴用和濟生方

按烏藥順氣散人參順氣散方下宜併考

醫方類聚卷上
王冰室版

○導痰湯 濟生方

按後人以此方增損製諸導痰

○救急稀涎散 本事方 皂角白礬溫水調下微微

吐出令涎 儒門事親方 皂角礬礬蘆葦為末漿水調下

○勝金圓 本事方 皂角瓜蒂末藜蘆朱砂溫酒下以吐為度

○獨聖散 儒門事親 瓜蒂一味 按以上吐法

○倉公散 本事方 瓜蒂藜蘆雄黃礬石為末吹入鼻中

○冷中惡方 附原方 半夏細下篩吹一大豆許內鼻中即活

○皂角細辛或生南星半夏為末吹入鼻中 侯嚏進藥 直指方

○通關散 得效方 中風 細辛薄荷牙皂雄黃為末吹入鼻

中侯嚏進藥

按千金治產絕半夏末入鼻中日扁鵲法 本事治尸厥名倉公散則卒死嚏法其由來也尚矣後人倣此法以走竅通氣

之藥稱通關散其方不一蓋此法當施邪氣未深元氣未虛者如五絕脫症者大料參附猶恐不能救况用搐鼻法哉

○烏梅肉搽和南星細辛末以中指頻擦自開牙際者用此法

直指方

○攝生飲 仁齋直指 按回春中風攝生飲即直指方

○麋街湯 五因方 治因醉中風名曰漏風澤瀉白木麋街

為末酒調下

按此方原出於素問陳無擇立方名入中風門是其古方故表出之

○黃耆防風湯之蒸法 醫說許胤宗傳引唐史

按是乃許胤宗治柳大后中風不語之法又見本草黃耆

宗頤說

○瀉青丸 錢仲陽方 小兒直訣

○作竹瀝法

瀝法

外臺秘要 姬娠子癩

又丘因方中風有燒竹

○防風通聖散

劉河澗宣明論風門

按宣明論有賈同知崔宣武劉庭瑞通聖散大同小異見火門可參看又醫林集要通聖散方下云本方合有羌活蓋河澗用洗肝散洗心涼膈三方合而為一仍加桔梗石膏滑石也 又詳見火門

○地黃飲子

宜明論

按治瘡痍之方薛新甫專用此方

○搜風順氣丸

直指方朱氏附遺引聖惠方心法附餘同

○勻氣散

直指方附遺引瑞竹方心法附餘同

按局方諸氣有勻氣散與此中風方不同此方白木烏藥天麻沉香青皮白芷人參甘草紫蘇木以也此方與嚴用和八味順氣散相類

○小續命湯六經之加減

素古病機氣宜保命集一名治法機要東垣醫學發明

○大秦芎湯

保命集醫學發明

○俞風湯

保命集醫學發明

按即羌活俞風湯回春中風俞風湯

不同

○三化湯

保命集發明

按此方小養氣加羌活

○天麻丸

保命集發明

○疎風湯

醫學發明

按此方自麻黃湯变化回春中風疎

風湯不同

按易水張先生論風中府中藏中血脉而立小續命六經加減疎風三化大秦芎風汗下調養之三法出於機要及發明

再按邪在絡在經入府入藏之說原出于金匱然似素古及後世所論與金匱迥異可移考

○秦芫升麻湯

羅謙甫衛生寶鑑

○犀角升麻湯 本事方

○口開手散眼合遺尿聲如鼾睡者並難治易簡方生飲方下

○口開心氣閉絕○遺尿腎氣閉絕○手散脾氣閉絕○眼合

肝氣閉絕○鼻鼾肺氣閉絕備此五證尤不可治證中纔見

一證猶當審餘證以救療蓋以初中則眼合者多痰上則鼻

鼾者亦多惟遺尿口開俱見為惡心為五藏主若腎為一身

根本誠不可閉絕也○凡中風脈無不大者非熱也是風脈

也凡中風皆不可吐出涎人骨節中皆有涎所以轉動滑利

中風則涎上潮咽喉中衄響以藥壓下涎再歸骨節可也小

兒驚風亦不可吐出涎其患與大人同其發搐之時不可捉

住手足捉住則涎不歸手足當不隨但寬抱之可也得効方

按五藏絕症後代書皆錄之得効以前書未見配五藏如

此詳而且盡矣又中風驚風不可吐出涎之說雖未知其

然否理或有也再者凡中風脈無不大者非熱也以下之說原出醫說引醫餘與得効方同又中風閉脫二症覺醫案必讀

○補中益氣湯加木香附子愈又加麥門冬活防風烏藥服之

愈

按出于丹溪醫按中風治王從一面目十指盡麻之方也

龔氏回春中風載此法或誤附子作香附子

○四物湯加桃仁紅花竹瀝姜汁丹溪法出金匱鉤玄平治會

○二陳湯四君子湯加竹瀝姜汁華等治中風左不遂

○氣虛卒倒參耆補之同上

○氣虛有痰濃煎人參湯合竹瀝姜汁同上

○人參膏司方發揮丹溪治浦江鄭兄卒中風之法參膏

十年而安

按此諸法皆出於丹溪先生見鉤玄會萃心法等夫分左右

右氣血之說是其權輿而後人一依此法近世王宇泰曰是無本杜撰之談不必拘之蓋丹溪先生為立後學準則王宇泰以恐昧者拘泥並行而不相悖觀其用參芪用濃煎參湯大料參膏則豈止濕生痰痰生熱熱生風之謂哉雜病用丹溪之語不誣矣再考如內經風論併稱諸風而未以為一定之名也金匱中風病曰夫風之為病當半身不遂或曰喎僻不遂日不識人日舌即難言觀是則後世所謂中風者金匱其始歟宜與類中風愚按互看

○類中風

有說見後

○許叔微本事方中風門曰世言氣中者雖不見於方書然暴喜傷陽暴怒傷陰憂愁不意氣多厥逆便覺涎潮昏塞牙關緊急若既作中風候用藥非止不相當多致殺人

○陳自明婦人良方曰蓋有中風中寒中喝中痰中氣皆能令

入涎潮昏塞疑惑之間不問中風氣首以蘇合香圓麝香煎五積散如中痰則有參蘇飲如中寒則有理中湯如中喝有白虎湯如的然見得是中風如三生飲不香者散排風續命風引大小竹瀝大八風至寶丹牛黃清心圓

○玉碩易簡方三生飲方後云因氣中者以沸湯化蘇香圓乘熱灌服仍用前藥汁磨沉香俟服煎藥已定審其灼然風方用醒風湯小續命湯中寒用附子理中湯姜附湯中濕用白朮酒朮附湯中暑來復丹白虎湯竹葉石膏湯痰飲厥逆止守本方○薛氏明醫雜著補註婦人良方補註舉類中風之目曰中寒中暑中濕因火志怒中氣食厥勞傷房勞其方不錄按類中風之名始於王安道以劉李朱因火因氣因濕而為類中風也雖然許學士先曰氣中亦涎潮昏塞則既露類中風端倪易簡良方擴其說薛立齋再併論王安道之

說而立後學法則。葉雲林亦原于薛氏法。又添痰厥血運之二候。予嘗謂世醫多謂以中風輕症名類中風者未全知。類中風之真也。惟夫金匱中風門云。夫風之為病。當半身不遂。又曰。喎僻不遂。由是詳之。有手足癱瘓。口眼喎斜等之風症者。當曰中風。無是等風候者。非中風。金匱之言。可以為徵焉。蓋謂與中風相類者。卒倒昏冒之一症也。因六瀉七情而一時昏倒。與卒中風相類之謂也。只宜分風症之有無。又詳其因而治之。當顧其曰類如何耳。故薛氏以寒暑濕氣火怒食等為類中風。皆曰卒倒昏冒。而無癱瘓喎僻之候。予故曰不可以中風輕者謂類中風。蓋真中類中之目。雖出乎王安道而未可全為定論。然因襲之弊終不可易。唯虞天民論說得正矣。

○預防中風

按素古保命集曰。中風者俱有先兆之證。凡人如覺大姆指及次指麻木不仁。或手足不用。或肌肉蠕動者。三年內必有大風之至。經曰。肌肉蠕動名曰微風。宜先服八風散。俞風湯。天麻丸。各一料為効。此絮古之言。預防中風之權輿。歟。宜與後薛氏之論併按焉。

○天麻丸

俞風湯 搜風順氣丸 見前中風門

俞風丹

按天麻丸去附子加肉桂熟地。又天麻丸加獨活亦名俞風丹。按薛正齋曰。預防之理。當養氣血。節飲食。戒七情。遠幃幙。可也。宜補中益氣湯。八味丸。六味丸。若服搜風天麻丸。以預防。適所以招風取中也。

○破傷風 按王因方云。瘡瘍未合。風入為破傷風。濕入為破傷濕。又證治準繩云。有破傷處。深浴濕氣。從瘡

口中入其人昏迷沉重狀類中濕名曰破傷濕宜印木酒予謂由此說則寒暑入瘡口亦雖可名破傷寒破傷暑然破傷風摠括外淫之名言風則寒暑濕在其中歟

○玉真散 本事方 南星防風為末如破傷以藥貼瘡口然後酒調下

按治破傷風及打撲傷損之方後人又為蛇犬傷之主方

○越活防風湯 保命集破傷風在表者 ○白朮防風湯 自汗者

○白朮湯 汗 ○芎黃湯 ○天芎黃湯 在裏者 ○羌活湯 半表半裏 ○養血當歸地黃湯 按四物湯加薑本白芷

防風細辛

○防風湯 表症不解 ○羌活湯 瘡瘕 已上保命集

○瘧門 按傷寒論金匱要略作瘧成無已曰瘧當作瘧傳寫之誤也此說為是後世有分瘧瘧說者非

○括蕒桂枝湯 ○葛根湯 ○天美氣湯

已上金匱要略

○附朮散 治陰瘧 ○桂心白朮湯 陰瘧 ○附子防風散 陰瘧

○八物白朮散 陰瘧 ○荊芥末三錢溫酒調下 治瘧後瘧症元戎名活人舉敗散

○小續命湯 治剛柔二瘧

已上活人書

○桂枝加葛根括蕒湯 王朝奉方

○神朮湯 蒼朮防風甘草海藏法治剛瘧加羌活獨活麻黃

○白朮湯 白朮防風甘草海藏法治柔瘧加桂枝黃芪白朮

已上醫壘元戎

○防風當歸散 玉機作難知防風當歸散即四物去芍藥加防風

○如聖飲 治剛柔二瘧 傷寒書 按此方龔氏保元亦載

之即小紫胡去參四物去地加羌活防風白芷烏藥之方
○丹溪曰瘕多是血虛有火兼痰人參竹瀝之類不用兼風藥

平治會萃金匱鈔玄

按瘕病古法皆用風藥丹溪特曰血虛有火云云者蓋取
於古人醫風先醫血血行風自滅之意可謂有卓見也薛
立齋用加味逍遙八珍大補等湯皆原于此耳

○傷寒時疫

此門傷寒時疫諸方混淆不別觀者宜擇之又按古方
書或有傷寒時疫混同而論者雖似紛雜而亦不無所據

夫傷寒名義諸家有說如愚暗劣不敢措一詞

○麻黃湯

張仲景傷寒論

○桂枝湯

○桂枝二越婢一湯

○大青龍湯

○小青龍湯

○葛根湯

○桂枝麻黃各半湯

○麻黃附子甘草湯

○麻黃附子細辛湯

○白虎湯

按白虎用硬末先考
有說載醫門正統集

○白虎加人參湯

○小柴胡湯

○天柴胡湯

○梔子豉湯

○柴胡加龍骨牡蠣湯

○桂枝甘草龍骨牡蠣湯

○竹葉石膏湯

○白頭翁湯

○大養氣湯

○小養氣湯

醫方紀原卷七

玉池堂版

○桃核美氣湯 按即桃仁美氣湯

○調胃美氣湯

○抵當湯

○抵當丸

○天陷胸湯

○小陷胸湯

○柴胡桂枝乾姜湯

○赤石脂禹餘糧湯

○干棗湯

○半夏瀉心湯

○旋復代赭石湯

○桂枝人參湯

○天黃黃連瀉心湯

○附子瀉心湯

○甘草瀉心湯

按元戎出伊尹甘草瀉心湯比仲景方有人參

○生姜瀉心湯

○瓜蒂散

○茵陳蒿湯

○梔子檉皮湯

○麻黃連軀赤小豆湯

○黃芩湯

○蜜煎導法 按即今蜜導

○猪膽汁方

○麻仁丸 按活人書名脾約丸

○吳茱萸湯 吳參 姜棗

○桔梗湯 按即今甘桔湯

○小建中湯

○四逆散

按與四逆湯不同即柴胡芍藥枳實甘草之散

○桃花湯

○白通湯

○白通加猪膽汁湯

○四逆湯

○四逆加入參湯

○通脈四逆湯

按王車恭云此方與四逆湯同但此倍乾姜耳予按以有脈不出者主之之主治大其製而加通脈二字乎千金方霍亂有通脈四逆湯與此方不同

○乾姜附子湯 按即姜附湯

○當歸四逆湯

○桂枝附子湯

○甘草附子湯

○真武湯 按即附子湯而無人參有生姜

醫方紀原卷七

一三

玉池堂版

醫方紀原卷上

○附子湯

人參白朮茯苓附子芍藥

按王頌易簡附子湯比本方有官桂甘草

○理中丸

○理中湯

金匱要略人參湯即此方

○五苓散

○猪苓湯

○烏梅丸

○燒視散

○枳實梔子湯

○炙甘草湯

一名復脈湯

○牡蠣澤瀉散

○刺期門

○炙少陰

按傷寒論曰少陰病吐利手足不逆冷反發熱者不死脈不至者炙少陰七壯按活人書出此條以少陰為太谿吳昆方考載炙少陰法亦云少陰即太谿也已上出張仲景傷寒論夫若張夫子群方祖而後人尊稱醫聖今所存書雖憾非全書然其大經大法粲然可觀焉予嘗謂稱仲景為立方祖者非始立醫方之謂蓋仲景製

方悉有法度後人製方倣此法度故稱群方之祖

○越婢湯

金匱要略下同

○升麻鼈甲湯

同上陽毒陰毒

○百合知母湯

○百合雞子湯

○滑石代赭湯

○百合地黄湯

○百合洗方

○栝蒌牡蠣散

○百合滑石散

已上百合病先考有百合說載且桂集

○甘草瀉心湯

○雄黃薰法

○赤豆當歸散

已上狐惑

○陽毒升麻湯

千金方

按活人書有陽毒升麻湯與千金不同見于后千金方陽毒升麻湯即金匱升麻鼈甲湯而只有桂心無鼈甲又外臺秘要出古今錄驗陽毒湯比千金方有梔子鼈甲

○陰毒甘草湯

千金方

按即金匱升麻鼈甲湯而只無雄

黃又外臺出古今錄驗陰毒湯方與千金同又按活人書有陰毒甘草湯即金匱升麻鼈甲湯加桂枝之方

○陰且湯 千金方 芍藥 甘草 乾姜 黃芩 桂 大棗

○陽且湯 千金方 云傷寒中風桂枝湯主之

按陽且之名始于傷寒論證象陽且之語成無已註云陽且桂枝湯之別名也方有執註云陽以風言且曉也言似中風分曉以不啻中風故設難詳申其義喻嘉言云方註尤為牽強不通只一桂枝湯遇時令溫熱則加黃芩名陽且湯遇時令涼寒則加桂名陰且湯張路玉亦謂陽且桂枝加黃芩之製本治冬溫之的方也程應旌註不明似為桂枝湯之證再詳千金陰且湯乃桂枝湯加黃芩乾姜去生姜之方陽且湯乃桂枝湯而後載加減之法又外臺出古今錄驗陽且湯即桂枝湯加黃芩之方活人書亦同錄驗然則以桂枝加黃芩名陽且湯者古今錄驗其權與乎

記諸說備參考

○溫粉 傷寒論 大青龍湯方下云汗出多者溫粉撲之 傷寒論無溫粉方

○姚大夫辟溫病粉身方 芎藭白芷薑本三物等分下篩內粉中以塗粉於身大良肘後方

○粉身散 千金方 辟溫病常用方 芎藭 白芷 薑本 右三味治下篩內米粉中以粉身

○辟溫粉 川芎蒼朮白芷薑本零陵各等分右擣篩為散和米粉粉身 外臺秘要

按本是以芬芳藥末和米粉撲周身而辟溫疫之粉也猶雄黃涂鼻辟瘟也觀外臺曰辟溫粉則其義自明矣假用此辟溫粉撲身以止汗多仍舊曰溫粉耳溫粉字義不詳故表出之

○神丹圓 千金方傷寒發汗圓中 外臺為崔氏方

醫方類聚卷之十一

○水導散 碎附子烏頭人參茯苓半夏朱砂末之蜜圓以真丹為色云
千金方甘遂白芷大黃厚朴枳實廿七硝外臺載千
金水導散白芷甘遂二味也

按王叔和傷寒例云神丹安可以誤發甘遂何可以妄攻
云云神丹即前千金神丹圓也外臺秘要云甘遂者水導
散也千金水導散疑水導散歟然千金外臺主治同而藥
不同為可疑觀曰甘遂何可以妄攻則千金藥味為當

○麥奴圓 按即仲景真武湯

○黃龍湯 仲景名小柴胡湯方

按千金黃龍湯即仲景小柴胡本方也又醫心方戎少陽
症黃龍湯治胎前產後寒熱小柴胡至夏加芍藥是也一
法以四物湯加蒲黃亦名黃龍湯全如心鑑傷寒小柴胡
湯條下云孫兆改名黃龍湯 又詳見婦人門

○犀角地黄湯 吐血 詳見血症

按今用犀角地黄湯外臺引小品芍藥地黃湯同

○溫膽湯 膽虛寒 治大病後虛煩不得眠此膽寒故也

按半夏竹茹枳實橘皮生姜甘草也并兩方虛煩溫膽湯即

千金之方而只有茯苓主治亦同千金後世所用溫膽

皆有茯苓後人增損加減之方頗多本出於千金 詳考見

已上出孫真人千金方此餘極多可考 虛煩門

○黃連解毒湯 按五機微義云此大倉公天劑湯也

黃連三兩黃芩黃芩各二兩梔子十四枚水六升煎取二

升分再服治煩嘔不得眠肘後方傷寒時氣

按此方即黃連解毒湯也當以肘後為本據又外臺出黃

連解毒方名為崔氏方其文詳載于左
前軍督護劉車者得時疫二日已汗解因飲酒復劇苦煩

悶乾，呷口燥，呻吟錯語，不得臥，余思作此黃連解毒湯方

黃連 三兩 黃芩 黃藥 各二兩 梔子 十四枚 擘

右四味切，以水六升，煮取二升，服一服，目明，再服，進粥於

此漸差，此直解熱毒，除酷熱，不必飲酒，劇者此湯療外臺秘要

○小前胡湯 外臺秘方，胡洽云：出張仲景古今錄驗同

按此方小柴胡湯柴胡代前胡者也

○天胡湯 同 按天柴胡湯柴胡代前胡者也

○姜兌法 同 削生姜如小指長二寸，鹽塗之內，下部中，立通

○小品芍藥地黃湯 按即犀角地黃湯也 出于傷寒，衄血方中

○五味子麥門冬湯 深師療傷寒下後除熱止渴

按此方生脉散加甘草石膏之方也，雖非日用之方，記之

備參考

○葛根橘皮湯 小品方

○辟溫粉 詳前溫粉條

已上王壽外臺秘要

○李子建傷寒十勸 按載治人書末卷，今舉其綱如欲知詳當考本

一傷寒頭疼身熱，便是陽証，不可服熱藥，二傷寒當直攻毒

氣不可補益，三傷寒不思飲食不可服溫脾藥，四傷寒腹痛

亦有執証不可服溫暖藥，五傷寒自利當看陰陽証，不可例

服補暖及止瀉，六傷寒胸膈痛及腹脹滿不可妄用艾炷，七

傷寒手足厥冷當看陰陽，不可一例作陰証治，八傷寒已在

裏即不可輕用發汗，九傷寒食水為欲愈不可令病人忍飲

過度，十傷寒初差不可過飽及勞動或食羊肉及行房事，與

食諸骨汁并飲酒

○外麻湯 治人書方后曰：如老兒與去芍藥加柴胡人參，亦

書曰：若老人去芍藥加柴胡茯苓人參

按局方升麻葛根湯也衛生寶鑑云錢仲陽製升麻湯然則元是錢氏所製而和劑名升麻葛根湯者歟

○五味子湯

活人書治傷寒喘促脉伏而厥

按此方生脉散加杏仁橘皮方入生薑棗子煎

○羌活附子散

治欬逆羌活附子茴香木香乾姜入鹽煎

○煎造膠飴法

按此法附于小建中湯後

○陽旦湯

按古今錄驗之方即桂枝加黃芩之方詳考見前

○陰旦湯

方與千金同

○陰毒甘草湯

益國外麻驚甲湯加桂枝之方

○陽毒外麻湯

升麻 犀角 射干 黃芩 人參 甘草

按此方與千金陽毒外麻湯不同後世方書班疹門外麻湯多是活人之方也詳于前

○霹靂散

○回陽丹

○返陰丹

○柴胡半夏湯

按此方小柴胡加白朮麥門治痰飲類傷寒入門亦載此方治傷風輕症入門方比活人有陳皮無人參

○桔梗枳殼湯

即二味

○玄參升麻湯

即玄參升麻甘草

○治中湯

按理中湯加青皮陳皮之方

○白虎加蒼朮湯

云出傷寒微旨

○化斑湯

按人參白虎加蒼朮粳米代糯米 詳見斑疹

○麥門冬湯

麥門 甘草 粳米 大棗 竹葉

○葱蔥法

○鼠粘子湯

按即消毒飲

○陰毒灸法

氣海或關元二穴灸三二百壯以手足和煖為度

○陽毒水漬法

以水漬布薄之疊布數重新水漬之稍煖去水搭於胸上云云

已上出朱奉議傷寒活人書此餘頗多茲不再錄

○神木散

中藏經

蒼木川芎藭本甘草

按前片淳祐新添方神木散比中藏經多白芷羌活細辛

○人參敗毒散

和劑局方

按此方或謂出自活人書詳考此方局方傷寒門最初之方係紹興以前則當以局方為原又陳氏五因方疫病載敗毒散方與局方同方後云初虞世究其方知出道藏乃敘云自非異人條出志與神會則莫之敢為良可歎服煙瘴之地或溫疫時行或人多風多痰多氣或處卑濕脚弱此藥不可缺也據此說則其原出於道藏經乎

○涼膈散

局方積熱

又詳后班疹

○五積散

局方詳考見中寒門

○聖散子

局方詳說見續齊書

○金沸草散

局方

○芎藭葛根湯

局方

詳于前年麻湯

○葛根解肌湯

局方

○僧伽應夢人參散

紹興續添方

按二因方有詳論可考

○香蘇散

紹興續添方

方後云嘗有白髮老人授此方與

一富人其家令施時當大疫城中病者服之皆愈其後疫鬼問富人富人以實告鬼曰此老教三人誓親而退又保命歌括瘟疫神授香蘇散下云元時江西泰和縣疫大作有醫者視病中夜而歸忽遇神人騎馬導從而來醫知非人拜伏于地神至前叱云汝何人也答曰某醫人也神曰汝今醫病用何藥術答曰隨病令熱輕重用藥治之神曰不然夫一類用香蘇散好醫如其言試之皆効此說與局方言頗相類觀此兩說則香蘇散可謂神方歟

○正氣散

紹興續添方

此方不換金正氣而只蒼木代白木

○消風百解散

寶慶新增方

○人參養胃湯

淳祐新添方

易簡方詳考見瘧疾門

按此方雖出於局方然係淳祐新添則當以易簡方為原歟
○參蘓飲 淳祐新添方 易簡方

按此方亦係淳祐新添則當以易簡方為原歟局方方後
引易簡方元戎亦引易簡詳考見痰飲門

○柴胡芍麻湯 寶慶新增方

○川芎茶調散 吳直閣諸家名方

○不換金正氣散 吳直閣諸家名方
又附易簡方養胃湯方後
外科精要家傳不換金正氣散本方加木香茯苓人參

○八解散 續添諸局經驗方
○三拗湯 續添諸局經驗方

○十神湯 續添諸局經驗方

○藿香正氣散 續添諸局經驗方 又附易簡養胃湯下
詳見霍亂門

○辰砂五苓散 寶慶新增方

已上和劑局方此餘猶多茲不再載

○入溫家今不相染着 雄黃研細水調以筆濃蘸塗鼻敷
中與病人同床亦不相染初洗面後乃臨臥時點之
二日因方

○黃耆建中加當歸湯 本專方傷寒 按本方加當歸

○小柴胡加地黃湯 本專方傷寒 按即本方加生地黃之方

治婦人熱入血室又詳婦人門

○敗毒散治冬令寒反煖春發溫疫 ○大柴胡湯治春令煖反
涼夏發燥疫 ○五苓散治秋令涼反溼兩冬發濕疫 ○五積

散治夏合熱反寒秋發寒疫
按右出卷氏得效方時疫葉氏醫鑑同春載此法同

○香葛湯 危氏得效方傷寒

按此方干神湯去麻黃加蒼朮本邦啓迪院家以此方名
香橘湯稱妙方

○發汗法轉下法 取吐法 水漬法 蒸法 得效方傷寒

○荊防敗毒散 仁齊直指附遺引蘊專方

○獨參湯考 按用人參一味肘後方李絳兵部集是其始歟
王珍百一選方傷寒門本草引百一選方奪

破證奪命散

命散又名復脈湯

治傷寒陰陽二證不明或投藥錯誤致患人困重垂死七
日以後皆可服傳者云千不失一好人參一兩去蘆薄切
水一大升銀石器內煎至一盞新水沉之取令一服而盡
汗不自他出只在鼻梁上消消如水是其應也藉藉光云
侍師方丈以救數十人余宰清流日申屠倅行父之子婦
產後病時疫二十餘日已成壞證偶見問因觀其一味口
服人參遂安是時未知有此方偶暗合耳百一選方

○卒上氣鳴息便欲絕

人參末服方寸匕

肘後方

○反胃嘔吐用上黨人參二大兩水一斗煮四合熱服

本草附方引李
絳兵部手集

○霍亂嘔惡人參二兩水一盞半煎汁二盞入雞子白一枚服

本草附方引衛生家寶方

○胃虛惡心人參一兩水二盞煎一盞入竹瀝姜汁

本草附方引
簡便方

○無憂散治傷寒調理失序毒氣內結人參半兩煎湯七分盞

調牛膽南星末一錢乘熱服更以熟人參湯投之

日困方

○傷寒壞證時或發熱消渴煩躁用新羅參不拘多少煎湯

浸令冰冷候盛渴之時與之頓服熱則隨去矣

王碩易
簡方溫膽湯方後

○人參湯治吐血咯血新羅人參慢火煎服仁齊直指方

○丙字號治勞症止血後服此藥補之人人參二兩去蘆

右咬咀棗五枚水二盞煎一盞不拘時細啣服之今其

然睡一覺 十一藥神書

○治左膊起紅腫人參大料作湯得二三斤為好 丹溪錄致餘論

○中風氣虛卒倒有痰濃煎參湯加竹瀝姜汁

丹溪方見金匱鈞玄平治會萃等

人參膏 局方發揮

○內傷虛者可用人參湯 平治會萃金匱鈞玄內傷門

按參考諸方則用一味人參其來也久矣若百一選方奪命散即獨參湯也傷寒壞症用一味參湯及云七日以後皆可服者是其權輿歟一切血症用人參湯出於直指方耳或為出自十藥神書者誤矣十藥神書命子嘗疑非葛可久書或其然歟凡病涉虛者用人參湯至朱丹溪始用之乎若獨參湯名未詳所出十藥神書標出獨參湯者後人所加乎姑引十藥神書亦可也嗚呼無比良方而無

確據為可憾焉醫學入門曰單人參湯亦同又古詩曰頻湯一味參亦獨參之謂耶婦人良方薛氏補註失血心神不安附方獨參湯好人參二兩炮姜五錢水煎服蓋人參性寒故姜佐之如不應急加炮附子予先人嘗謂此薛先生語當為用獨參之龜鑑蓋人參性寒恐有妨脾土健運故佐炮姜又併記繆仲淳說以備考本草經疏曰人參神農微寒別錄微溫二義相蒙蓋微寒者春之寒也微溫者亦春之溫也神農直指所稟故曰微寒別錄兼言功用故又曰微溫既云微矣寒不甚寒則近于溫溫不甚溫則近于寒故知寒溫雖別言微則一也此說亦先人常稱之

○姜活湯 張素古病機氣宜保命集

按九味姜活湯而無白芷

○九味姜活湯 此事難知云易老解利方醫聖元戎作易老大姜活湯按即今所用方也元戎方后曰天姜活湯全在生地黃木

仲白中別為麤末各等分稱之名曰天活地黃各半湯解
利兩感傷寒有神

○天天活湯 此事難知解利兩感神方

按與元戎天天活湯不同此天九味天活湯有獨活防已黃
連白朮知母而無白芷

○三禁湯 此事難知小柴胡湯方下云忌發汗忌利小便利
利大便故名三禁湯蓋三禁湯名此事難知其始歟

○三一承氣湯 劉河澗宜明論傷寒直格傷寒標本
按天承氣加甘草方

○柴胡飲子 宜明論詳見發熱 ○防風通聖散 宜明論
詳考見中風

○益元散 宜明論 ○雙解散 宜明論
按通聖益元合方

○半夏黃連解毒湯 傷寒直格黃連解毒湯下云或腹滿嘔
吐欲作利者加半夏厚朴茯苓生薑名半夏黃連解毒湯

○劫病法 製藥法 解藥法 解附子毒 解大黃

解麻黃煎藥法 傷寒六書殺車絕法下皆同陶節菴製

○麻發表湯 按醫學入門出陶氏麻黃湯此方有葛本

按此方仲景麻黃湯加麻川芎防風白芷羌活入葱白
豆豉方而治麻黃湯本證凡陶氏方皆如此蓋欲令人易
用也故徐春甫曰傷寒六書惜其不能發仲景之旨王守
泰曰陶氏之書不過剽南陽唾餘聾聵來學蓋仲景之罪
人也蕭萬興亦曰陶氏不書膚淺易習此特益于初學耳
余竊謂三子之言固是也雖然仲景神方自非明者恐不
可妄用之古人欲用天承氣必先以小承氣試之合用大
柴胡必先以小柴胡試之合用四逆湯必先以理中湯試
之王守泰論之曰是等撥試雖非仲景本旨得非麤工之
龜鑑歟由是觀之則與其孟浪用之以誤人孰若從陶氏

緩治遠圖而無失也。是可為庸者言。非為明者道。爾故張
小賓曰。立法之善。無出仲景。用藥之善。須遜節菴。蓋此之
謂乎。

○疎邪實表湯 按八出陶氏桂枝湯。此方有藁本。無白朮。

按此方仲景桂枝湯加防風川芎羌活白朮膠飴也。同春
桂枝湯。即此疎邪實表湯麻黃湯。即前死麻發表湯也。凡
同春一書。不惟此。二方大率出古名。而用新製方。當詳之。

○羌活中和湯 按即九味羌活湯 本出于張潔古製 ○柴葛解肌湯

○柴胡雙解散 按小柴胡加陳皮芍藥。謂陶氏小柴胡湯。即是。

○桂枝大黃湯 按仲景本方加柴胡枳實。

○如神白虎湯 按白虎湯加人參山梔五味子麥門冬。

○六一順氣湯 日以代天承氣。小承氣調胃承氣。天柴胡三
一承氣。天陷胸等湯之神藥也。

○三黃石膏湯

○三黃巨勝湯

○消斑青黛飲

○柴胡百合湯

○沖和靈寶飲

○生地芩連湯

○回陽救急湯

○回陽返本湯

○導赤散 按五苓加白朮滑石山梔甘草。

○桃仁承氣對子 按本方加芍藥柴胡青皮當歸枳實。

○逍遙湯 按與今用逍遙散不同。

○加味理中飲 按本方加肉桂陳皮茯苓。

○加味犀角地黃湯 按本方加枳椇陳皮紅花當歸。

○殭陽散火湯 按與東垣殭陽散火湯不同。即局方逍遙散
加人參黃芩麥門陳皮入金首飾煎服。又按本事方治邪。

熱客於經絡，人參散即逍遙散，加人參半夏黃芩葛根之方也。陶氏死陽散火湯自此方變化來，歟又發熱門，人參清肌散亦本事，人參散但無黃芩耳。

○如聖飲

○溫經益元湯

○調榮養衛湯

○桂苓飲

○導赤各半湯

○再造散

○當歸活血湯

○加味導痰湯

○黃龍湯

○益元湯

○芩連消毒飲

○六神通解散

○加減調中飲

○加減續命湯

○十味芍藥散

神珍方引潛察方，按此方參蘇飲去人參前加柴胡川芎

○加味溫膽湯 神珍方云秘方

按此方龔氏回春保元等傷寒門行茹溫膽湯，而但無黃連，蓋回春方無麥門冬，保元有麥門神珍方亦有麥門，則回春誤脫耳。又以門傷寒參胡溫膽湯，即此方而無黃連，然則加黃連者出于龔氏乎。

○芎芷香蘇散

神珍方香蘇散方下云：頭疼加川芎白芷名芎芷香蘇散。

○補中益氣湯中加發散藥氣虛熱甚者少用附子以行

參者之劑

按此法出于丹溪朱先生見於平治會萃金匱鈔，云傷寒門曰：傷寒屬內傷者，十居八九，其法邪之所湊，其氣必虛，云云。惟夫東垣李先生憫世人將內傷不足之證誤為外傷有餘之證，而著內外傷辨惑論，立補中益氣湯一方，而

惘
惘

今丹溪原於李先生而曰傷寒屬內傷者居多氣虛熱甚者加附子者誠為後學規矩準繩也曰集諸家大成者良有法也盧廉夫承丹溪之流著丹溪纂要亦自病內傷傷寒誤治恒德翁用補中益氣加附子而奏効詳見正傳嗚呼此翁於醫可謂超越于朱家之諸子又能傳其法也竊謂傷寒屬虛者極多日數過多延綿不愈者用大料補湯但扶正則邪自退夫傷寒古人以為大病其證傳變其藥攻補固非雜病之比若予謬劣雖不可敢妄議然今世醫多以挾虛傷寒名陰症傷寒而妄用直中陰經佳附理中姜附四逆等劑者予未如何故也蓋陽證陰證名義傷寒論無明文但曰發熱惡寒者發於陽也無熱惡寒者發於陰也又潘人書曰太陰少陰厥陰皆屬陰證太陽陽明少陽皆屬陽證也據之則當邪在二陽經為陽證在二陰經為陰證歟後人所謂陽證陰證者乃陽熱陰寒之二候耳

○凡疫病初起之時用正氣散煎一大鍋每人服一椀以防未然又云但未病者宜服補中益氣湯加蒼朮等劑使外邪不能入可也丹溪纂要瘟疫

按本邦醫家亦遇疫病流行有如此法蓋其有所據耳

○救疫神方 百一選方引夷堅志

黑豆二合炒令香熟甘草二寸炒黃布水二盞煎至一盞時時呷之是時因疫發腫者服無不效按本邦俗遇疫流行者黑豆茶飲之或似焉

○類傷寒 有說見後

按類傷寒之說當以潘人書為本據

○痰證柴胡半夏湯金沸草散大半夏湯瓜蒂散

○食積浴中湯五積散黑神圓

○虛煩竹葉湯屯者橘皮湯

○脚氣越婢湯小續命加姜汁治寒中三陽小續命去附子減桂湯治暑中三陰大煩燥紫雪脚腫楨榔散

○發熱惡寒近似傷寒者有五種脉浮而數其人發熱而惡寒者傷寒之候也脉浮而緊其人發熱惡寒或有痛處是欲為癰癢也脉浮按之反溢其人發熱惡寒或膈實而嘔吐此是傷食也脉浮而滑其人發熱而背寒或頭眩而嘔吐是風痰之証也脉浮而弦其人發熱而惡寒或思飲食此是欲作瘡症也能辨其脉又驗其証斯無誤也本事方

按滑人書舉四證為類傷寒本事方亦舉四種醫學入門云舊以痰飲虛煩脚氣食積瘡毒瘀血勞發痘疹八証大類傷寒新增感冒勞傷共成十症要之百病皆類傷寒不

可不知又玉宇泰準繩以冬溫溫病寒疫熱病濕溫風溫霍亂痙傷食虛煩痰脚氣內癰畜血為類傷寒也予謂其日類者以雜病初發寒熱與傷寒相類也李楚百病皆類傷寒之言得之又按本事之說可為準則宜記取矣

○中寒

按中寒之名雖出於金匱與後世所稱中寒絕不相涉因方中寒論亦曰與傷寒脉證無異但輕重不同余謂日傷日中本為互言初無輕重之別則二因之說未瑩但朱丹溪曰傷寒有即病有不即病中寒倉卒感受其病即發而暴傷寒因其舊有鬱熱風寒外來肌腠自容發而為熱

中寒一身受邪難分經絡無熱可發溫補自解余謂古說傷寒中寒混淆不別至朱氏始明矣又保命歌括云傷即中也自邪客之日中如矢之中干人也自人受之日傷如傷矢之云也此說固是也雖然傷寒中寒古來稱呼自異不可日中寒即傷寒傷寒即中寒也猶傷寒併稱之中風與半身不遂之中風自別也蓋中寒與直中陰寒元是無異又按但是風寒暑濕中乎殊無意

○乾姜附子湯

傷寒論

按即全姜附湯

○四逆湯

傷寒論

○理中湯

傷寒論

理中圓方後載湯法

○姜附湯

局方傷寒

按即傷寒論乾姜附子湯乾姜壹兩附子壹枚生用局方與傷寒論同王碩易簡方姜附湯乾姜二兩熟附二兩方后日一方附子生用名曰通湯云云由是觀之則易簡曰

通湯即仲景乾姜附子湯也又傷寒論曰通湯葱白四莖乾姜一兩附子生一枚詳考曰通湯乃姜附湯加葱白方自通之名亦以葱白之辛通陽氣平易簡姜附湯用熟附以用生附子為曰通湯而無葱白者恐為不是活人書亦用生附夫附子生用熟用大有妙義當詳考於仲景先生四逆白通乾姜附子真附桂枝附子等湯茲不再錄又按戴元禮證治要訣曰真附湯乃陰證之先劑或未敢遽用熟附則不若用生附為穩或半生半熟若其人多痰附子尤宜生用又虛炎短乏條下云若不勝熱藥及痰多之人當易熟附子作生附載氏此說以生為平熟為峻李瀕湖云生用則發散熟用則峻補宜併按焉

五積散

局方傷寒

又見婦人門

和劑局方傷寒門五積散方後云右除肉桂枳殼二味別

為鹿末外十三味同為鹿末慢火炒令色轉攤冷次入肉桂枳殼末令勻每服三錢水一盞半生姜二片煎一中盞去滓稍熱服活人書脩製與局方大同只活人書藥品中有人參餘同

三因方傷寒五積散方後云右先將前十二味咬咀微炒令香取出當風涼之入後枳殼肉桂厚朴三味同為細末每服三錢水一盞姜二片棗二枚煎七分溫服

醫學入門五積散方下熟料五積散即本方除白芷肉桂二味外餘十二味用慢火炒令色變攤冷入桂芷和勻產後寒熱去麻黃用烏藥俱用淡醋炒過

又傷寒六書纂要辨疑五積散方後有熟料五積即本方除白芷肉桂二味外十三味入淡醋用慢火炒令色變攤冷入桂芷和勻

按局方活人三因等雖無熟料之名併視入門標出熟料

五積散則是熟料也又淡醋炒之製出於產後之用而非通用熟料之製乎

王碩易簡方生料五積散方後云右咬咀每服四錢水一盞半生姜三片葱白一根煎至六分去滓食前熱服

按生料無慢火炒之製是生熟之別也又有生料平胃生料五苓等宜準之蓋通用煎法乃是生料耳

○附子理中湯局方痼冷作附子理中圓兩方中寒門作附子理中湯按傷寒論霍亂理中圓方後云腹滿者去木加附子千金翼理中圓方後體寒微寒腹中寒加附子一枚觀之則理中加附子其來久矣三因方中寒治方載附子理中湯又易簡方理中湯方下為寒氣濕氣所中者加熟附子名附子理中湯神珍方出附子理中湯引三因方詳考局方痼冷最初之方係紹興以前方則當以局方為本

再按丹因方中寒門出附子理中湯云昔有武士守邊大雪出帳外觀瞻忽然暈倒時林繼作隨行醫官權以此藥兩劑遂醒據此說則明為中寒主方者丹因其權輿歟

○附子麻黃湯

丹因方 又易簡方姜附湯方後

按此方姜附湯加麻黃白木甘草人參名附子麻黃湯治中寒濕昏暈緩弱腰背強急口眼喎斜語聲渾濁心腹脹脹氣上喘急不能動轉

○暑

按傷暑之名出於內經中熱中喝出於傷寒論及金匱雜論云中喝中暑中熱名雖不同實一病也此說為是潔古以動靜分暑熱說恐誤矣

○白虎加人參湯

傷寒論 金匱

○竹葉石膏湯

傷寒論

○五苓散

傷寒論

○香薷散

局方中暑門 扁豆厚朴香薷水一盞入酒一分煎至七分去滓水中沉冷云云

○黃連香薷散

活人書

按活人書香薷散厚朴香薷黃連方後云一方有白扁豆尤良而無黃連香薷散之名局方香薷散方後云活人書方不用白扁豆加黃連名曰黃連香薷散

○天順散

局方中暑

○來復丹

局方吳直閣增諸家名方又出易簡方當以易簡為據

○消暑圓

局方紹興續添方 易簡方

半夏一斤好醋五升煮乾茯苓半斤甘草生半斤為末姜汁糊為圓易簡方云中暑為患藥下即避傷暑發熱頭疼用之尤驗夏月常服止渴利便雖多飲水亦不為害應是暑藥皆不及此若痰飲停節或飲食所傷並用姜湯噉下入夏之後不可闕此

按此丸當以易簡為本往年有耽醫客持一丸來云此是

太上法皇命侍臣修合消暑最上藥也予知之乎予敬詳色味云是乃消暑圓歟客問消暑圓但是半夏茯苓無一解暑古人何為消暑第一方哉予曰夫炎熱燥石流金唯有水飲瓜菓耳以故脾胃停濕遂至有霍亂吐利半夏燥濕茯苓利水佐以姜汁化痰飲易簡云雖多飲水亦不為害者蓋以是也脾土健運而無停濕則何暑病之有與黃連香薷之解暑其意殊異未知然否醫學辨暑有消暑圓論局滯之說不通

○辰砂五苓散 局方寶慶新增方

○藿香正氣散 局方續添諸局經驗方又附于易簡養胃湯

○六和湯 局方續添諸局經驗方

○香薷湯 局方續添諸局經驗方比前香薷散有伏神

○縮脾飲 局方寶慶新增方 局方縮砂烏梅草果甘草乾葛扁豆水煎以水沉冷易簡方草果烏梅甘草方下方與局方同

按王碩易簡方增損縮脾飲方後載香薷飲方與局方同日今人往往讀香薷飲之證才見霍亂遽爾投之殊不知夏月伏陰在內因食生冷以致霍亂豈宜投之以浸冷之藥故合以先治中脘方以香薷飲解其煩熱不可不知予謂此說宜記得豈止浸冷之藥一切清涼宜禁之與天熱傷肺金之症甚相徑庭當審之又當知夏月伏陰在內之其古語

○十味香薷飲 王珍百一選方

○益元散 河間宜明論傷寒直格傷寒標本一名天水散大白散

○桂苓甘露飲 一名桂苓白朮散 宜明論直格

○春澤湯 按得效方傷暑五苓散方後云治燥渴去桂心加人參謂之春澤湯又證治與訣傷暑春澤湯即五苓散加人參又醫方撰要春澤湯五苓散加人參柴胡麥門冬未

○治熱弱方 千金方令弱人仰臥以熱土壅臍上令入尿之

○二香散 補珍引醫方集成藿香正氣合黃連香薷之方

○生脉散 醫學綱目引千金證治準繩引醫錄丹溪心法作生脉湯

○東垣辨惑論云聖人立法夏月宜補者補天眞元氣非補熱火也夏食寒者是也故以人參之甘補氣麥門冬苦寒瀉熱補水之源五味子之酸清肅燥金名曰生脉散孫真人云五月常服五味子以補五藏之氣亦此意也

○東垣脾胃論清神益氣湯條下云黃蘗麥門冬人參五味子此藥去時令浮熱濕蒸火熾之極金伏之際而寒水絕體於此時也故急救之以生脉散除其濕熱又黃耆人參湯方後云孫思邈云五月常服五味子是瀉丙火補庚大腸益五藏之元氣聖人立法夏月宜補者補天元之眞氣非補熱火也令人夏食寒是也爲熱傷元氣以人參麥門

五味子生脉脉者元氣也

按此辨惑論脾胃論當爲生脉散本據又後記諸說備考

○衛生寶鑑藥類法象麥門冬條下云治肺中伏火脉氣欲絕加五味子人參三味謂之生脉散補肺中元氣不足

湯液本草同干寶鑑 按本草綱目麥門冬發明引元素

載此藥類法象之說然未獲元素本書故舍之

○衛生寶鑑五味子條下云孫真人云五月常服補五藏氣

遇夏月季夏間困乏無力乃無氣以動也以黃耆人參麥

門冬少加黃蘗煎湯服使人精神頓加兩足筋力湧出湯

液本草同干寶鑑

○湯液本草天門冬條下引衍義云二門冬人參五味子栝

杷子同爲生脉之劑 按宜與元戎麥門冬飲併看

○本草綱目麥門發明臬日六七月間濕熱方旺人病骨乏

無力身重氣短頭旋眼黑甚則痿軟故孫真人以生脉散

補其天元真氣脉者人之元氣也

按此全文東垣書管見未考不知時珍據何書於是發疑
○本草綱目五味子發明引張元素曰孫真人千金月令言
五月常服五味補五藏之氣遇夏月季夏之間因乏無力
無氣以動與黃耆麥門冬少加生薑煎湯服之使人精
神頓加兩足筋力涌出也蓋五味子之酸輔人參能瀉丙
火而補庚金收斂耗散之氣也

○醫聖元戎痊濕喝易老門冬飲子一名生脉散治老弱虛
人大渴茯苓人參二錢麥門五味各半兩枸杞甘草三錢
生姜○丹溪格致餘論夏月伏陰論云孫真人製生脉散
令人夏月服之 按此說誤為孫真人方之始歟

○平治會萃金匱鈞玄注夏病云生脉散出千金方
詳按生脉散古來為孫真人之製因之屢閱千金及翼方
未見此方外臺亦不錄之迨宋方書管見未考雖宗輿有

二門五味人參枸杞為生脉劑之語未可以為證唯見東
垣書有名曰生脉散之語而已為孫真人製似無明據本
邦友松子善求原書亦從準繩引醫錄予嘗疑之沉潛反
復似有所得竊謂人參五味麥門名生脉散者恐出於東
垣而非起于孫真人蓋往昔相傳有二門五味人參枸杞
等生脉之說至東垣而斷為一方歟以引孫真人五月常
服五味子之語而遂令後人為孫思邈之方耳其徒海藏
謙甫亦於湯液寶鑑引東垣藥類法象其有黃蘗亦是一
方蓋受潔古老人口授乎尋其根據則原孫真人五味子
之說耳其五味子說李東壁引潔古舉千金月令或其然
耶及于丹溪云孫真人製生脉散會萃鈞玄云出千金方
後輩習而不察因襲到今神珍玉機明初之書不載此方
僅見綱目有千金生脉散但至成化正德之間丹溪心法
醫林集要醫學正傳等暑門收入則明中葉以後專用此

方歟。又如準繩云，醫錄乃薛氏家居醫錄也歟。其治症分兩與內科摘要附方同。嗚呼！不佞謫陋，涉獵未博，姑記臆見，以俟明哲裁正。

○清暑益氣湯 東垣辨惑論脾胃論

按薛立齋中暑法曰：若人元氣虛弱，宜用補中益氣去柴胡升麻加五味麥門，或少加炒黑黃柏。張主錫醫學八要有近製清暑益氣湯，即益氣湯去升柴加五味麥門黃柏。倣此薛氏法，其原乃丹溪法也。見于後。

○人參益氣湯 東垣脾胃論 ○參朮調中湯 辨惑論

暑傷胃氣論

○海藏黃耆湯

元戎中鳴按四君子加黃芪芍藥

○補中益氣湯去柴胡升麻加炒黃柏或生脈散

平治會萃注夏金匱經方同

按丹溪曰：今日多有春末夏初患頭痛脚軟食少體熱，仲景謂春夏劇，秋冬差，而脉弦大者，正世俗所謂注夏病云。云此仲景語出於金匱曰：勞之為病，脉浮大，手足煩，春夏劇，秋冬差。云云。丹溪以此仲景語為注夏病，可謂善讀古書也。故載元禮於會萃鈎玄等曰：注夏屬陰虛元氣不足而立此益氣湯加減蓋受丹溪翁口授也耳。丹溪翁私淑東垣先生，蘭室秘藏勞倦傷論宜併考焉。又東垣老人製脾陽順氣湯一方，治因飲食不節，勞役所傷，腹脇滿悶，短氣遇春則口淡無味，遇夏雖熱猶有惡寒云云之證。本邦北山友松翁云：此即後世所謂注夏病之主方也。詳見增廣口訣，可謂是翁亦善讀書者也。令人起敬焉。

○代茶湯

古今醫統經驗秘方

夏月服之代茶健脾止渴

白木麥門冬二味煎作湯

○濕

○白木附子湯

金匱要略濕門又歷節附方出近効方亦附湯方同

○甘草乾姜茯苓白木湯

金匱腎著之病云云甘草乾姜茯苓白木湯也

○腎著湯

按即仲景甘草乾姜茯苓白木湯也腎著湯之名出千金方又詳腰痛門

○不換金正氣散

有方吳直閣諸家名方家傳不換金正氣散見傷寒

○除濕湯

百一難方按即不換金正氣散加木苓之方也

○獨活寄生湯

千金方詳考見中風門

○羌活勝濕湯

東垣辨惑論

○除風濕羌活湯

辨惑論脾胃論有同名與此方不同

○白木酒

百一難方治中濕口噤不知人

白木半兩酒三盞煎一盞頓服不能飲酒以水代之

○參濕湯

百一難方又易簡方局方吳直閣諸家名方

按此方蒼木白木茯苓乾姜丁香甘草橘紅姜棗

○燥

按古方書燥門方多是秘結消渴方也故雖近世書正傳準繩法律等書燥門方記之

○滋燥養榮湯

準繩法律 生血潤膚飲 正傳 天民製也

○清燥救肺湯

醫門法律秋燥門徐嘉言自製

按徐嘉言醫門法律以內經秋傷於濕斷為傷於燥而立傷燥門自製此方若其說當有論姑錄此方備參考

○火

○瀉心湯

傷寒論 大黃黃連黃芩三味

○三黃丸

中藏經 按以仲景瀉心湯蜜丸又元戎為伊尹三黃湯

○紫雪

升金翼外臺秘要 按翼片外臺藥味少異句方同升金翼

○防風通聖散

宜明論 直格

考見前

○賈同知通聖散 同

○崔宣武通聖散 同

○劉庭瑞通聖散 同

按賈方本方無芒硝，崔方無芒硝，麻黃有縮砂。劉方無芒硝，有縮砂。又按通聖散方下，大黃芒硝麻黃三味，對症旋入，自利去大黃芒硝，自汗去麻黃之語。入門回春等載之，原出《瀉瀉傷寒心要》通聖散方後，須知其古法也。當與中風門併考。

○神芎丸

同書 大黃黃芩牽牛滑石

○柴胡飲子

同書 又傷寒標本

○大金花丸

又名既濟解毒丸 同書

○當歸龍膽丸

同書 按即當歸龍會丸

○雙解散

宜明論 直格

即通聖益元之合方

○涼膈散

同方 詳考見斑疹

○黃連解毒湯 詳按見傷寒門

○左金丸

平治會萃金匱鉤玄火門 丹溪心法左金丸方下云一名回令丸

○導赤散

小兒直訣

詳淋門

○瀉黃散

小兒直訣

○瀉白散 小兒直訣

○三補丸

李連柏之三味 丹溪心法

○昇陽散火湯

東垣辨惑論 又脾胃論 詳考見發熱

○大倉公火劑湯

按玉機微義黃連解毒湯方後云此大倉公火劑湯也。又張氏醫通伊尹三黃湯方下云金匱名瀉心湯，倉公名火劑湯。未知孰是。金匱瀉心湯即大黃黃連黃芩三味，中藏經以此三味，盛丸名三黃丸。醫心方以為伊尹三黃湯。

○內傷

飲食

○理中湯

傷寒論

金匱要略入參湯即此方

○四順理中圓

千金產後

按即理中圓

○理中丸

外臺秘要

按本方加良姜桂心蜜丸

○延年理中丸 外臺 按本方加麥芽蜜丸

○必效理中散 外臺 按即附子理中湯加木香肉桂厚朴

○范汪茯苓理中湯 外臺 按本方去白朮加茯苓木瓜

○范汪又方 外臺 按本方加當歸芍藥

○延年增損理中丸 外臺 按本方去乾姜加厚朴姜屑

○小品扶老理中散 外臺 按本方加麥門附子茯苓

已上出外臺秘要皆理中加減之方併記備參考

○治中湯 活人書又出局方 實慶新增方當以活人為原即理中加陳青詳考見霍亂門

○平胃散 局方 按局方有劉金飲子即平胃散也神珍引御藥院方出平胃散今用之方而有人參茯苓

○嘉禾散 局方 一姜圓 局方吳直閣諸家名方

○參苓白朮散 局方紹興續添方又出易簡方斷下湯方後

○四君子湯考

王碩易簡方四君子湯治大人小兒脾胃不和中脘停飲大病之後宜服此藥但味甘恐非快脾之劑常服宜減甘草 人參茯苓白朮二兩甘草五錢 姜七片棗一枚

○和劑局方脾胃門 續添諸局經驗方 四君子湯治榮衛氣

虛藏府怯弱心腹脹滿全不思食腸鳴泄瀉嘔噦吐逆

人參茯苓甘草白朮等分 右為末每服一錢水一盞煎七分通口服鹽少許白湯點服

○局方小兒門 紹興續添方 四君子湯調理小兒諸疾和胃

調心怡神養氣 白朮人參白茯苓各壹兩 甘草半兩

右為末鹽湯調服或咬咀姜棗煎尤妙云云

○張潔古病機氣宜保命集虛損門四君子湯治肺損而皮聚毛落益氣可也 白木人參黃耆茯苓各等分 右為麤末每服五六錢水一盞煎至七分去滓食遠溫服

○王海藏醫壘元戎大陰證四君子湯 人參甘草白茯苓縮砂仁

醫壘元戎厥陰證縮砂四君子湯 藥品與大陰證四君子湯同 按四君子湯日用良方而未審誰人之製諸書多引司元戎引易簡易簡司元戎詳其先後然司元戎入續添方則以易簡為原亦可也歟再按易簡司元戎四君子即今用之方專主治脾胃故有甘草無黃耆若潔古保命集為治肺損而設故有黃耆無甘草元戎縮砂四君子湯亦是一方未審其所出御藥院八珍湯以此縮砂四君子合四物湯故無白木有縮砂當與虛損門八珍八物條下參考

○七珍散 本專方 開胃養氣進食 人參白木黃耆山藥白茯苓粟米甘草 如不思飲食加白扁豆蒸用名八珍散予製此方溫平不熱云云

按此方後世方書多載當知許學士之製

○一神圓 本專方 治脾腎虛弱全不進食 破故紙四兩炒香 肉豆蔻二兩生 右為末用大肥棗四十九

箇生姜四兩切片同煮棗爛去姜取棗用肉研為膏入藥和杵圓如梧子云云又云有人全不進食服補脾藥皆不驗予授此方傾然能食此病不可全作脾虛蓋因腎氣怯弱真元衰劣自是不能消化飲食譬如鼎釜之中置諸米穀下無火力終日米不熟其何能化 按此丸許學士元為不食而製學士之切於斯為盛

矢後人移治脾胃瀉學士治腎泄別有五味子散當與泄瀉門參看

○白朮散 錢仲陽方出小兒直訣 按今稱七味白朮散錢氏白朮散即此方

○異效散 錢仲陽方出小兒直訣

按此方四君子湯加陳皮一味而以異其效故名又按外臺痰飲茯苓湯一方茯苓人參橘皮白朮生薑之五味也雖錢氏不據此方而以品味相類故併錄又外臺有茯苓飲與此方異詳後六君子條下

○六君子湯考

○濟生方脾胃門六君子湯治脾藏不和進飲食上燥下寒服熱藥不得者

人參白朮 各兩 橘紅半夏枳殼甘草 各半兩 姜棗

○袖珍方脾胃門六君子湯引聖惠方 主治品味與濟生

方全同 按此六君子湯比今用之方無茯苓有枳殼袖珍引聖惠方則有枳殼六君子湯出自聖惠平子書書不廣未見聖惠以為憾焉

○王碩易簡方四君子湯方後云一方去甘草加枳殼橘紅半夏名六君子湯專治素有痰飲胸膈痞悶脾胃虛寒不嗜飲食服燥藥不得者

按此六君子湯比今用之方無甘草有枳殼醫聖元戎亦引易簡此方比聖惠濟生之方則有茯苓無甘草

○得效方脾胃門四君子湯方後云又方加陳皮半夏名六君子湯

○袖珍方脾胃門四君子湯方後云加陳皮半夏名六君子湯 按此六君子湯即今所用之方也未審所出之書始以得效方為證

○丹溪心法脾胃門六君子湯 主治與濟生方同

人參白朮茯苓甘草砂仁陳皮 姜棗

醫林集要通治門 四君子湯方下云加陳皮砂仁

名六君子湯

按此六君子湯比今用之方無半夏有縮砂仁疑是自編砂四君子湯變之歟

○得效方泄瀉門六君子湯治藏府虛怯心腹脹滿嘔噦不食腸鳴泄瀉

人參白朮茯苓甘草肉豆蔻訶子 姜棗

按此六君子湯乃四君子加訶子肉豆蔻之方與前諸方不相類姑書備考

○證治雜繩傷寒瘧後病六君子湯治傷寒汗下之後將見平復宜服此調理助脾進食辟邪氣大妙

人參白朮黃耆白茯苓山藥甘草 姜棗

按此六君子湯乃四君子加黃耆山藥即古方七珍散去粟米之方未審王氏據何書偶以其名同而錄之

○外臺秘要茯苓飲治心胸中有停痰宿水自吐出水後心胸間虛氣滿不能食消痰氣令能食外臺作延年茯苓飲

茯苓人參白朮 各三兩 枳實二兩 橘皮二兩 半夏四兩

總考六君子湯日用顯劑而未審原書姑記所見以備甄索此方雖自四君子湯而出然而一方之有枳殼者疑自外臺茯苓飲而變之乎或謂四君子加陳皮為異如散異効加半夏又名六君子湯詳考四君子加陳皮為異効散元是錢氏之製固然也其日異効散加半夏名六君子湯者恐無確據歟蓋有枳殼之方是最初方而現用之方似出後製猶俟識者 又按六君子湯古方不一唯薛立齋

先生專用四君子加陳皮半夏以為定方而後方書咸用此方而無彼此之異蓋枳殼破氣開結難為常用方唯無枳殼之一方自是四君二陳之偶方宜哉人于君子座中而為日用良方也

○解諸菌毒掘地作坑以水沃中攪令濁澄清飲名地漿千金方

○治凡所食不消方 取其餘類燒作末酒服方寸匕便吐其宿食即噎千金并堅噎

按黃承昊薛氏醫按評註曰俗有以食消食之法以飯肉等所傷之物燒灰存性為末同酒下之頗效此物不甚傷脾而能消食亦良法也王宇泰準繩中亦曾載之云云黃氏不考古書而以為俗法其始出於千金

○枳木湯 金匱要略 治心下堅大如盤 按枳實白木二味

○枳實丸 潔古保命集 枳實一兩白木二兩燒飯為丸

○枳木丸 張子和傳門事親 枳實白木各半兩燒飯為丸

○易水張先生枳木丸 東垣辨惑論脾胃論

按仲景先生治心下堅大如盤用枳木湯方見金匱又張潔古保命集出枳實丸無以荷葉燒飯為丸之製夫張易水枳木丸微意全在荷葉詳見辨惑論由是詳潔古當時變仲景枳木湯而為丸猶未悟荷葉之微意老年始悟此製授之東垣乎

○橘皮枳木丸 辨惑論

○木香枳木丸 同上

○枳木導滯丸 同上

○丁香爛飲丸 同上

○外陽順氣湯 辨惑論

○外陽補氣湯 同上

○補中益氣湯 辨惑論脾胃論

厚朴温中湯 辨惑論

沉香温胃丸 同上

葛花解醒湯 同上

調中益氣湯 脾胃論 即補中益氣去當歸白朮有蒼朮木香

按蘭室秘藏出調中益氣湯比脾胃論方無木香有黃柏又羅謙甫衛生寶鑑亦有調中益氣湯即補中益氣湯加五味子白芍藥之方也同名有三方今所用之方一依脾胃論三書所載主治大同宜考本書

升陽益胃湯 脾胃論辨惑論肺之脾胃虛方

保和丸 丹溪心法 大安丸 丹溪心法

厚朴湯 元戎云局方平胃散加乾姜為厚朴湯

易簡白朮湯 醫輿元戎比錢氏白朮散無藿香有黃耆

不醉方 神珍方 菘豆赤豆葛粉為末

香砂六君子湯 薛立齋內科摘要

按六君子加香附砂仁藿香又薛氏口齒類要方本方加藿香砂仁夫香砂六君子湯之名薛氏已前書未見之蓋立齊立此加味乎近世張路玉六君子加木香砂仁名香砂六君子湯

白雪糕 古今醫鑑云甲子年齊傳

八味平胃散 王碩易簡方平胃散方下云一法若其人氣不舒快中脘痞塞不進飲食加縮砂香附茯苓丁香加生薑煎服病後調理宜服之

痞滿 宜與前內傷飲食門參看

大黃黃連瀉心湯 附子瀉心湯 生薑瀉心湯

甘草瀉心湯 半夏瀉心湯 已上仲景傷寒論

○**枳朮湯** 仲景金匱要略 詳內傷門

○**枳實理中圓** 活人書 易簡方 司方淳祐新添方 王因方

按理中湯加枳實茯苓之方當以活人為本據

○**枳椇枳殼湯** 活人書即二味

○**天消痞丸** 東垣蘭室秘要 ○**黃連消痞丸** 秘藏

○**枳朮丸** 辨惑論脾胃論名易張先生枳朮丸 詳按見前

○**橘皮枳朮丸** 辨惑論脾胃論 此外枳朮丸頗多見前

○**人參養胃湯** 司方淳祐新添方 易簡方

按此方不換金正氣散加人參茯苓草菓烏梅之方龔氏

書香砂養胃湯痞滿門養胃湯俱由此方者歟 詳見瘧疾

○**枳縮** 一陳湯丹溪心法附餘脾胃

按此方一陳湯加枳實砂仁之方理脾胃順氣寬膈消痰

飲龔雲林枳縮一陳湯自是而來

醫方紀原卷上 終

